



## ЎЗБЕКИСТОН RESPUBLIKASI SOG‘LIQNI SAQLASH VAZIRINING

### BUYRUG‘I

20 23 yil “ 09 ” mart

№ 44

Toshkent sh.

#### Соғлиқни сақлаш вазирлигининг марказий аппарати тузилмаси, штат birlikлари ва низомларни тасдиқлаш тўғрисида

Ўзбекистон Республикаси Президентининг 2023 йил 25 январдаги “Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида”ги ПФ-14-сон фармони ижросини таъминлаш мақсадида **буюраман:**

1. Қуйидагилар:

Ўзбекистон Республикаси Соғлиқни сақлаш вазирлиги марказий аппаратининг вақтинчалик тузилмаси 1-иловага мувофиқ;

Ўзбекистон Республикаси Соғлиқни сақлаш вазирлиги марказий аппарати штатлар birlikлари 2-иловага мувофиқ;

Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармасининг тузилмалари 3-иловага мувофиқ;

Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармаси штат birlikлари 4-иловага мувофиқ;

Ўзбекистон Республикаси Соғлиқни сақлаш вазирлигининг Низоми 5-иловага мувофиқ;

Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармасининг низомлари 6–19-иловаларга мувофиқ тасдиқлансин.

2. Вазир ўринбосари **О.Фазилкаримов**, Иқтисодиёт, таҳлил ва нархларни шакллантириш бошқармаси (**С.Максудов**), Инсон ресурсларини ривожлантириш ва бошқариш бўлими (**Ш.Мамажонов**), Бухгалтерия ҳисоби бўлими (**С.Исломов**) бир ҳафта муддатда мазкур буйруқнинг 1 ва 2-иловаларига мувофиқ Ўзбекистон Республикаси Соғлиқни сақлаш вазирлиги

марказий аппарати бўлинмаларининг штатлар жадвалини ишлаб чиксин ҳамда тасдиқлаш учун Ўзбекистон Республикаси соғлиқни сақлаш вазирига киритсин ва белгиланган тартибда рўйхатдан ўтказилишини таъминласин.

**3. Қорақалпоғистон Республикаси соғлиқни сақлаш вазири, вилоятлар ва Тошкент шаҳар соғлиқни сақлаш бош бошқармалари бошлиқлари бир ҳафта муддатда** мазкур буйрукка мувофиқ тегишли штатлар жадвалларини ишлаб чиқиб тасдиқласин ва белгиланган тартибда рўйхатдан ўтказилишини таъминласин.

**4. Вазир ўринбосарлари (Э.Баситханова, У.Сабилов, О.Фазилкаримов) Инсон ресурсларини ривожлантириш ва бошқариш бўлими (Ш.Мамажонов)** Ўзбекистон Республикаси Соғлиқни сақлаш вазирлиги таркибий тузилмалари раҳбарлари билан биргаликда **икки ҳафта муддатда** янги штатлар жадвалига мувофиқ вужудга келадиган бўш лавозимларни юқори малакали, замонавий фикрлайдиган ва ташаббускор кадрлар билан жамлаш чораларини кўрсин.

**5. Вазир ўринбосарлари (Э.Баситханова, У.Сабилов, О.Фазилкаримов) Инсон ресурсларини ривожлантириш ва бошқариш бўлими (Ш.Мамажонов), Қорақалпоғистон Республикаси соғлиқни сақлаш вазири, вилоятлар ва Тошкент шаҳар соғлиқни сақлаш бош бошқармалари бошлиқлари** технологиядаги, ишлаб чиқариш ва меҳнатни ташкил этишдаги ўзгаришлар, ходимлар сони (штати) ёки иш хусусиятининг ўзгаришига олиб келган ишлар ҳажмининг қисқариши ёхуд меҳнат шартлари ўзгариши муносабати билан ходимларга меҳнат қонунчилигига асосан белгиланган тартибда огоҳлантириш хатлари берилишини таъминласин.

**6. Вазир ўринбосарлари (Э.Баситханова, У.Сабилов, О.Фазилкаримов) Инсон ресурсларини ривожлантириш ва бошқариш бўлими (Ш.Мамажонов), Қорақалпоғистон Республикаси соғлиқни сақлаш вазири, вилоятлар ва Тошкент шаҳар соғлиқни сақлаш бош бошқармаси бошлиқлари** **икки ҳафта муддатда** бошқарув ходимларининг тузилмаларга юклатилган функционал вазифаларидан келиб чиқиб, тегишли тузилмалар ходимларининг лавозим йўриқномаларини ишлаб чиксин ва тасдиқлатиш чораларини кўрсин.

**7.** Мазкур буйруқнинг ижросини назорат қилиш вазир ўринбосари О.Фазилкаримов ҳамда вазир котибияти зиммасига юклатилсин.


Вазир




А. Иноятлов

**Соғлиқни сақлаш вазирлиги марказий аппаратининг  
вақтинчалик тузилмаси**

Соғлиқни сақлаш вазирининг  
**2023 йил 09 - мартдаги**  
**44 -сон** буйруғига  
1-ИЛОВА



Қорақалпоғистон Республикаси соғлиқни сақлаш вазирлиги, Тошкент шаҳар соғлиқни сақлаш бош бошқармаси ва вилоятлар соғлиқни сақлаш бошқармалари  
ТУЗИЛМАСИ



Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармаси тузилмалари номи ва штатлар бирликлари

№	Худудлар номи	Жами	шўжумладан																
			Вазир, бошқарма бошлиғи	Вазирнинг бошқарма бошлиғининг биринчи ўринбосари	Вазир, бошқарма бошлиғи ўринбосари	Тиббий ёрдамни ташкиллаштириш бўлими	Ўзбекистон Республикаси ҳамоҳанглик шўжумбаси	Дори воситалари ва тиббий жиҳозларга бўлган эҳтиёжни шакллантириш шўжумбаси	Молия-иқтисод шўжумбаси	Ички аудит шўжумбаси	Инфратузилмани ривожлантириш ва инвестицион лойиҳаларни жорий қилиш ва мониторинги шўжумбаси	Давлат-хусусий шерилик, хусусий секторни ва тиббий туризмни ривожлантириш шўжумбаси	Тиббий ёрдам сифати назорати шўжумбаси	Девонхона	Инсон ресурсларини ривожлантириш ва бошқариш шўжумбаси	Бош юрисконсулт	Иккинчи бўлим	Стратегик ривожланиш ва статистика шўжумбаси	Мурожаатлар ва таҳлил шўжумбаси
1	Қорақалпоғистон Республикаси	32	1	1	1	7	1	1	2	2	2	2	3	1	2	1	1	2	2
2	Андижон вилояти	32	1	1	1	7	1	1	3	2	2	2	3	1	2	1	1	1	2
3	Бухоро вилояти	29	1	1	1	6	1	1	2	2	1	2	3	1	2	1	1	1	2
4	Жиззах вилояти	28	1	1	1	5	1	1	2	2	1	2	3	1	2	1	1	1	2
5	Қашқадарё вилояти	31	1	1	1	6	1	1	2	2	2	2	3	1	2	1	1	2	2
6	Навоий вилояти	27	1	1	1	4	1	1	2	2	1	2	3	1	2	1	1	1	2
7	Наманган вилояти	29	1	1	1	6	1	1	2	2	1	2	3	1	2	1	1	1	2
8	Самарқанд вилояти	32	1	1	1	7	1	1	3	2	2	2	3	1	2	1	1	1	2
9	Сурхондарё вилояти	29	1	1	1	6	1	1	2	2	1	2	3	1	2	1	1	1	2
10	Сирдарё вилояти	27	1	1	1	4	1	1	2	2	1	2	3	1	2	1	1	1	2
11	Тошкент вилояти	32	1	1	1	7	1	1	3	2	2	2	3	1	2	1	1	1	2
12	Фарғона вилояти	32	1	1	1	7	1	1	3	2	2	2	3	1	2	1	1	1	2
13	Хоразм вилояти	28	1	1	1	5	1	1	2	2	1	2	3	1	2	1	1	1	2
14	Тошкент шаҳар	32	1	1	1	7	1	1	2	2	2	2	3	1	2	1	1	2	2
<b>Жами</b>		<b>420</b>	<b>14</b>	<b>14</b>	<b>14</b>	<b>84</b>	<b>14</b>	<b>14</b>	<b>32</b>	<b>28</b>	<b>21</b>	<b>28</b>	<b>42</b>	<b>14</b>	<b>28</b>	<b>14</b>	<b>14</b>	<b>17</b>	<b>28</b>

Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳар соғлиқни сақлаш бош бошқармаси тузилмалари номи ва штатлар бирликлари

№	Худудлар номи	Жами	шў жумладан																
			Вазир, бошқарма бошлиғи	Вазирнинг бошқарма бошлиғининг биринчи ўринбосари	Вазир, бошқарма бошлиғи ўринбосари	Тиббий ёрдамни ташкиллаштириш бўлими	Ўзбекистон Республикаси ҳамкорлик шўъбаси	Дори воситалари ва тиббий жиҳозларга бўлган эҳтиёжни шакллантириш шўъбаси	Молия-иқтисод шўъбаси	Ички аудит шўъбаси	Инфратузилмани ривожлантириш ва инвестицион лойиҳаларни жорий қилиш ва мониторинги шўъбаси	Давлат-хусусий шерилик, хусусий секторни ва тиббий туризмни ривожлантириш шўъбаси	Тиббий ёрдам сифати назорати шўъбаси	Девонхона	Инсон ресурсларини ривожлантириш ва бошқариш шўъбаси	Бош юрисконсулт	Иккинчи бўлим	Стратегик ривожланиш ва статистика шўъбаси	Мурожаатлар ва таҳлил шўъбаси
1	Қорақалпоғистон Республикаси	32	1	1	1	7	1	1	2	2	2	2	3	1	2	1	1	2	2
2	Андижон вилояти	32	1	1	1	7	1	1	3	2	2	2	3	1	2	1	1	1	2
3	Бухоро вилояти	29	1	1	1	6	1	1	2	2	1	2	3	1	2	1	1	1	2
4	Жиззах вилояти	28	1	1	1	5	1	1	2	2	1	2	3	1	2	1	1	1	2
5	Қашқадарё вилояти	31	1	1	1	6	1	1	2	2	2	2	3	1	2	1	1	2	2
6	Навоий вилояти	27	1	1	1	4	1	1	2	2	1	2	3	1	2	1	1	1	2
7	Наманган вилояти	29	1	1	1	6	1	1	2	2	1	2	3	1	2	1	1	1	2
8	Самарқанд вилояти	32	1	1	1	7	1	1	3	2	2	2	3	1	2	1	1	1	2
9	Сурхондарё вилояти	29	1	1	1	6	1	1	2	2	1	2	3	1	2	1	1	1	2
10	Сирдарё вилояти	27	1	1	1	4	1	1	2	2	1	2	3	1	2	1	1	1	2
11	Тошкент вилояти	32	1	1	1	7	1	1	3	2	2	2	3	1	2	1	1	1	2
12	Фарғона вилояти	32	1	1	1	7	1	1	3	2	2	2	3	1	2	1	1	1	2
13	Хоразм вилояти	28	1	1	1	5	1	1	2	2	1	2	3	1	2	1	1	1	2
14	Тошкент шаҳар	32	1	1	1	7	1	1	2	2	2	2	3	1	2	1	1	2	2
<b>Жами</b>		<b>420</b>	<b>14</b>	<b>14</b>	<b>14</b>	<b>84</b>	<b>14</b>	<b>14</b>	<b>32</b>	<b>28</b>	<b>21</b>	<b>28</b>	<b>42</b>	<b>14</b>	<b>28</b>	<b>14</b>	<b>14</b>	<b>17</b>	<b>28</b>

## Ўзбекистон Республикаси Соғлиқни сақлаш вазирлиги тўғрисида НИЗОМ

### 1-боб. Умумий қоидалар

1. Ушбу Низом Ўзбекистон Республикаси Соғлиқни сақлаш вазирлигининг (кейинги ўринларда Вазирлик деб аталади) мақоми, вазифалари, функциялари, ҳуқуқлари ва жавобгарлиги, шунингдек, фаолиятини ташкил этишни белгилайди.

2. Вазирлик соғлиқни сақлашда давлат сиёсатини ишлаб чиқувчи ва амалга оширувчи, соғлиқни сақлаш, тиббий суғурта, дори воситалари ва тиббий буюмларнинг муомаласи, аҳолининг санитария-эпидемиология осойишталиги ва жамоат саломатлиги, тиббий экспертизалар ўтказиш, тиббий ва фармацевтик маълумотни ташкил этиш соҳасида норматив-ҳуқуқий тартибга солувчи давлат бошқаруви органи ҳисобланади.

3. Вазирлик ўз фаолиятида Ўзбекистон Республикаси Вазирлар Маҳкамасига бўйсунди ва ҳисобот беради.

4. Ўзбекистон Республикаси Соғлиқни сақлаш вазирлиги ва соғлиқни сақлаш ҳудудий бошқарув органлари республика соғлиқни сақлашни бошқариш органларининг ягона тизимини ташкил этади.

5. Вазирлик ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Вазирлар Маҳкамасининг қарорлари ва фармойишларига, шунингдек, ушбу Низомга ва бошқа қонунчилик ҳужжатларига амал қилади.

6. Вазирлик ўз фаолиятини давлат ва хўжалик бошқаруви органлари, маҳаллий давлат ҳокимияти органлари, нодавлат нотижорат, хорижий, халқаро ва бошқа ташкилотлар билан ўзаро ҳамкорликда амалга оширади.

7. Вазирликнинг ўз ваколатлари доирасида қабул қилинган қарорлари давлат ва хўжалик бошқаруви органлари, маҳаллий ижро этувчи ҳокимият органлари, бошқа ташкилотлар ва уларнинг мансабдор шахслари ҳамда фуқаролар томонидан бажарилиши мажбурий ҳисобланади.

8. Қорақалпоғистон Республикаси Соғлиқни сақлаш вазирлиги, Тошкент шаҳар соғлиқни сақлаш бош бошқармаси ва вилоятлар соғлиқни сақлаш бошқармалари Ўзбекистон Республикаси Соғлиқни сақлаш вазирлигига ҳамда тегишли равишда Қорақалпоғистон Республикаси Вазирлар Кенгашига, Тошкент шаҳри ва вилоятлар ҳокимликларига бўйсундилар.

9. Вазирлик юридик шахс ҳисобланади, Ўзбекистон Республикаси Давлат герби тасвири туширилган ва ўз номи давлат тилида ёзилган муҳрга ва бланкаларга, банк ҳисоб рақамларига, шу жумладан хорижий валютадаги ҳисоб

рақамларига ва Ўзбекистон Республикаси Молия вазирлиги Ғазначилигида шахсий ғазна ҳисоб ва рақларига эга бўлади.

10. Вазирлик Тошкент шаҳри, Шайхонтоҳур тумани, Навоий кўчаси, 4-уй манзили (почта манзили) бўйича жойлаштирилади.

## **2-боб. Вазирликнинг асосий вазифалари ва функциялари**

11. Қуйидагилар Вазирликнинг асосий вазифалари ҳисобланади:

аҳолига, шу жумладан, давлат томонидан кафолатланган ҳажмларда тўлиқ ва ўз вақтида тиббий хизматлар кўрсатишни таъминлашда Вазирликнинг органлари ва ташкилотлари роли ва масъулиятини оширишга йўналтирилган фуқароларнинг соғлиғини муҳофаза қилиш соҳасида ягона давлат сиёсатини амалга ошириш, соғлиқни сақлаш тизимида хусусий секторнинг ривожланишини ҳар томонлама қўллаб-қувватлаш ҳамда давлат ва нодавлат тиббиёт ташкилотлари ўртасида соғлом рақобатни шакллантириш;

жамоат соғлиғини сақлаш устуворлигини таъминлаш, аҳолини соғлом турмуш тарзини юритишга ундаш, энг аввало, ўз соғлиғи ва атрофидагиларнинг соғлиғи учун масъулият туйғусини тарбиялашда аҳолининг маданияти ва тиббий саводхонлигини ошириш;

миллатнинг генофондини яхшилаш мақсадида соғлом авлод туғилиши ва тарбияланиши учун қулай шарт-шароитлар яратиш, оилада тиббий маданиятни, умрнинг сифати ва узоқ давом этишини ошириш, аҳолининг соғлиғини муҳофаза қилиш ва санитария-эпидемиологик осойишталик ва жамоат саломатлиги соҳасида давлат сиёсатининг асосий йўналишларини ишлаб чиқиш;

бевосита бирламчи тиббий-санитария ёрдами ташкилотларида қишлоқ аҳолисига кўрсатилаётган тиббий ёрдам ҳажмларини, бирламчи тиббий-санитария ёрдами кўламини кенгайтириш, жумладан аҳоли ўртасида энг кўп тарқалган касалликларни эрта аниқлайдиган, уларнинг асоратлари олдини оладиган тизимга тўлиқ ўтиш, шунингдек, асосий, тез-тез учрайдиган касалликлар турлари бўйича туман бўғини даражасида ихтисослаштирилган хизматлар тизимини барпо этишда амалий ёрдам беришни ташкил этиш;

тиббий ёрдамни хизмат кўрсатилаётган аҳолига яқинлаштириш, ахборот технологияларини, телетиббиётни, даволашнинг клиник протоколларини кенг жорий этиш ҳамда етакчи хорижий ва маҳаллий мутахассисларнинг тажрибасини ҳудудий тиббиёт ташкилотларининг тиббиёт ходимларига бериш ҳисобига аҳолига кўрсатилаётган бирламчи, тез, кечиктириб бўлмайдиган ва ихтисослаштирилган тиббий ёрдамнинг қулайлиги ва тезкорлиги даражасини ошириш, шунингдек, ихтисослашган тиббиёт марказлари томонидан ҳудудларда кўрсатиладиган тиббий хизматлар ҳажмини ошириш ва сифатини яхшилаш;

дори воситалари муомаласини давлат томонидан тартибга солиш чоратадбирларини амалга ошириш, дори воситалари, тиббий буюмлар ва тиббий техникани, шунингдек, Ўзбекистон Республикаси ҳудудида қўллашга рухсат берилган асбоб-ускуналарни давлат рўйхатидан ўтказиш, сифат назорати, стандартлаштириш ва сертификатлаштиришни амалга ошириш;

маҳаллий тажрибани ва энг яхши жаҳон ютуқларини уйғунлаштириш асосида тиббиёт фанини ривожлантириш стратегиясини ишлаб чиқиш ва прогнозлаштириш, илмий тиббий тадқиқотлар самарадорлигини ошириш, фан, техника ютуқларини ва илғор тажрибани соғлиқни сақлаш амалиётига жорий этиш, тиббий таълим ва кадрлар малакасини ошириш тизимини ривожлантириш;

соғлиқни сақлаш тизимида ягона ташкилий-методик раҳбарлик қилишни ва кўрсатилаётган тиббий хизматлар сифати назорат қилинишини таъминлайдиган замонавий, хорижий амалиётда синаб кўрилган соғлиқни сақлаш тизимини бошқариш усулларини жорий этиш, шунингдек, тиббиётни рақамлаштириш орқали соҳадаги ортиқча қоғозбозликни кескин камайтириш ва коррупцияга оид ҳолатларнинг олдини олиш;

халқаро тажрибаларни ўрганган ҳолда тиббиёт муассасаларида тиббий суғурта тизимини жорий этиш ва шу соҳада ислоҳотларни амалга ошириш;

биринчи даражали бюджет маблағларини тақсимловчи сифатида вазирлик ўзининг тасарруфидаги ташкилотларнинг жамланма харажатлар сметаси ва штат жадваллари, даромадлар ва харажатлар сметаларини тасдиқлаш ва рўйхатга олиш;

соғлиқни сақлаш соҳасига ажратиладиган маблағлар доирасида жорий харажатларини қайта тақсимлаш, жумладан тармоқни ривожлантириш давлат дастурларини амалга ошириш учун ажратилган маблағларни бир ривожлантириш дастуридан бошқа ривожлантириш дастурига қайта тақсимлаш орқали маблағларни мустақил тасарруф этиш;

вазирлик ташаббуси билан янгидан ишлаб чиқиладиган ривожлантириш дастурлари ва тадбирларни молиялаштириш учун талаб этиладиган маблағлар тегишли биринчи даражали бюджет маблағлари тақсимловчиларга ажратиладиган маблағлар доирасида амалга ошириш;

Ривожлантириш давлат дастурларида белгилаб берилган тадбирлар учун маблағларни молиялаштириш ва марказлаштирилган харидларни амалга ошириш;

бюджет маблағларини ноқонуний сарфлаш ва талон-тарож қилиш ҳолатларининг олдини олиш, огоҳлантириш ва аниқлаш.

12. Вазирлик юкланган вазифаларга мувофиқ қуйидаги функцияларни бажаради:

а) аҳолига, шу жумладан, давлат томонидан қафолатланган ҳажмларда тўлиқ ва ўз вақтида тиббий хизматлар кўрсатишни таъминлашда Вазирликнинг органлари ва ташкилотлари роли ва масъулиятини оширишга йўналтирилган фуқароларнинг соғлиғини муҳофаза қилиш соҳасида ягона давлат сиёсатини амалга ошириш, соғлиқни сақлаш тизимида хусусий секторнинг ривожланишини ҳар томонлама қўллаб-қувватлаш ҳамда давлат ва нодавлат тиббиёт ташкилотлари ўртасида соғлом рақобатни шакллантиришни амалга ошириш соҳасида:

аҳоли саломатлигини сақлаш ва яхшилашни, соғлом авлодни тарбиялаш учун шарт-шароитларни шакллантиришни, профилактик соғлиқни сақлашни

ривожлантиришни, соғлом турмуш тарзини кенг оммалаштиришни таъминловчи давлат сиёсатини амалга оширишни таъминлайди;

фуқаролар соғлиғини сақлашни таъминлашга қаратилган давлат дастурлари ижроси юзасидан назорат олиб боради ва ишларни мувофиқлаштиради;

соғлиқни сақлаш тизимини ислоҳ қилиш дастурларини амалга оширади, соғлиқни сақлашнинг нодавлат секторини ривожлантиради ва тиббий хизматлар бозорини ташкил этади;

соғлиқни сақлаш, шу жумладан, тиббий ёрдам бериш, дори воситалари, тиббий буюмлар ишлаб чиқариш ҳамда четдан олиб кириш ва улардан фойдаланиш ҳамда уларга риоя қилиниши устидан назорат қилиш соҳасида нормативлар ва стандартлар тизимини яратади;

тиббий ёрдам сифати стандартларини ва ҳажмини белгилайди, тиббий ва фармацевтик фаолиятни лицензиялашни амалга оширади;

тиббиёт муассасаларини халқаро стандартлар ва меъёрларга мос равишда фаолият юритишини аккредитациядан ўтказиш тартибини ишлаб чиқади ва белгиланган тартибда аккредитациядан ўтказиши;

тиббиёт ташкилотлари томонидан аҳолига ўз вақтида малакали ва сифатли тиббий ёрдам кўрсатилиши устидан назорат қилади;

суд-тиббий ва суд-руҳий экспертизасини таъминлайди;

тармоқни кадрлар билан таъминлаш дастурларини ишлаб чиқади ва амалга оширади, соғлиқни сақлашда тегишли йўналишлар ва мутахассислар бўйича тиббиёт кадрларига бўлган эҳтиёжни аниқлайди ва уларни тайёрлайди;

ўз ваколатлари доирасида тегишли халқаро ташкилотлар ва хорижий мамлакатларнинг соғлиқни сақлаш ташкилотлари билан ўзаро ҳамкорлик қилади;

б) жамоат соғлиғини сақлаш устуворлигини таъминлаш, аҳолини соғлом турмуш тарзини юритишга ундаш, энг аввало, ўз соғлиғи ва атрофидагиларнинг соғлиғи учун масъулият туйғусини тарбиялашда аҳолининг маданияти ва тиббий саводхонлигини ошириш соҳасида:

профилактик ёрдам йўналишлари ва ҳажмлари, профилактик эмлаш муддатлари ва усуллари тўғрисида қарорлар қабул қилади, аҳоли орасида соғлом турмуш тарзини тарғиб қилади;

соғлиқни сақлашда статистика юритилиши ишларини ташкил этади, соғлиқни сақлаш тизимида статистик ҳисобот ва ҳисобот бериш тартибига методик раҳбарлик қилади, статистика ахборотининг ишончлилигини назорат қилади;

тармоқни ахборотлаштириш тизими шакллантирилишини таъминлайди, манфаатдор вазирликлар, давлат кўмиталари ва идоралар билан биргаликда замонавий ахборот-коммуникация технологияларини, шу жумладан, соғлиқни сақлаш тизимида ҳисоб ва ҳисоботни юритиш бўйича замонавий ахборот-коммуникация технологияларини ишлаб чиқади ва жорий этади;

в) миллатнинг генофондини яхшилаш мақсадида соғлом авлод туғилиши ва тарбияланиши учун қулай шарт-шароитлар яратиш, оилада тиббий маданиятни, умрнинг сифати ва узоқ давом этишини ошириш, аҳолининг

соғлиғини муҳофаза қилиш ва санитария-эпидемиологик осойишталик ва жамоат саломатлиги соҳасида давлат сиёсатининг асосий йўналишларини ишлаб чиқиш соҳасида:

фертиль ёшидаги аёллар, ҳомиладор аёллар, болалар, шунингдек, ёлғиз кексалар, сурункали касалликларга чалинган шахслар орасида патронаж иши доимий асосда олиб борилишини таъминлайди;

фавқулодда тусдаги аварияли вазиятлар ва ҳалокатларнинг бартараф этиш дастурларини ишлаб чиқиш ва амалга оширишда иштирок этади, фавқулодда вазиятларни тугатишда фойдаланиш учун тиббий буюмлар, дорилар, дезинфекция воситаларининг захирасини белгиланган тартибда ташкил этади;

юқумли ва юқумли бўлмаган, паразитар касалликлар, шунингдек, инсоннинг яшаш муҳити омиллари унинг соғлиғига ва меҳнат фаолиятига нохуш таъсир этиши билан боғлиқ касб касалликлари профилактикаси ишларини олиб боради;

манфаатдор органлар билан биргаликда бошқа давлатлар ҳудудидан юқумли ва карантин касалликлар кириб келишининг олдини олиш ишларини ташкил этади ва назорат қилади;

санитария нормалари, қоидалари, гигиена нормативларини ишлаб чиқади ва тасдиқлайди, уларга риоя этилиши устидан давлат санитария назоратини амалга оширади, шунингдек, санитария-эпидемиология хизматлари ишига уларнинг идоравий бўйсунушидан қатъи назар, методик раҳбарлик қилади;

истеъмолчиларнинг жамоат ташкилотлари тақдимномаси бўйича идоравий мансуб лабораторияларда товарлар (ишлар, хизматлар)нинг хавфсизлик талабларига мувофиқлигига шартнома асосида синовлар ўтказилади;

г) бевосита бирламчи тиббий-санитария ёрдами ташкилотларида қишлоқ аҳолисига кўрсатилаётган тиббий ёрдам ҳажмларини, бирламчи тиббий-санитария ёрдами кўламини кенгайтириш, жумладан аҳоли ўртасида энг кўп тарқалган касалликларни эрта аниқлайдиган, уларнинг асоратлари олдини оладиган тизимга тўлиқ ўтиш, шунингдек, асосий, тез-тез учрайдиган касалликлар турлари бўйича туман бўғини даражасида ихтисослаштирилган хизматлар тизимини барпо этишда амалий ёрдам беришни ташкил этиш соҳасида:

бирламчи тиббий-санитария ёрдами ташкилотларидан тортиб ихтисослаштирилган тиббиёт ташкилотларигача тиббий ёрдам кўрсатишнинг барча даражаларида касалликларнинг олдини олиш ва профилактикасини таъминлайди, ушбу мақсадларда илмий-тадқиқот, диагностика ва патронаж ишларини кенгайтиради;

асосий, тез-тез учрайдиган касалликлар турлари бўйича туман бўғини даражасида ихтисослаштирилган хизматлар тизимини қуришда амалий ёрдам беришни ташкил этади;

бирламчи тиббий-санитария ёрдами муассасаларининг ихтисослаштирилган тиббий хизматлар кўрсатувчи ташкилотлар билан ўзаро алоқалари такомиллаштирилишини таъминлайди;

тиббий диагностика тизимини такомиллаштиради, республика ҳудудларида диагностика хизматлари тармоғини ривожлантиради, тиббий ихтисослаштирилган ташкилотлар тармоғи фаолият кўрсатишини таъминлайди;

д) тиббий ёрдамни хизмат кўрсатилаётган аҳолига яқинлаштириш, ахборот технологияларини, телетиббиётни, даволашнинг клиник протоколларини кенг жорий этиш ҳамда етакчи хорижий ва маҳаллий мутахассисларнинг тажрибасини ҳудудий тиббиёт ташкилотларининг тиббиёт ходимларига бериш ҳисобига аҳолига кўрсатилаётган бирламчи, тез, кечиктириб бўлмайдиган ва ихтисослаштирилган тиббий ёрдамнинг қулайлиги ва тезкорлиги даражасини ошириш, шунингдек, ихтисослашган тиббиёт марказлари томонидан ҳудудларда кўрсатиладиган тиббий хизматлар ҳажмини ошириш ва сифатини яхшилаш соҳасида:

ахборот технологиялари, телетиббиёт, даволашнинг клиник протоколлари кенг жорий этилишини ҳамда етакчи хорижий ва маҳаллий мутахассислар тажрибаси минтақавий муассасаларининг тиббиёт ходимларига берилишини таъминлайди;

барча даражаларда аҳолига шошилиш, кечиктириб бўлмайдиган тиббий ёрдам кўрсатиш тизимини ташкил этади ва мустаҳкамлайди, уни самарали бошқаришни таъминлайди;

е) дори воситалари муомаласини давлат томонидан тартибга солиш чоратадбирларини амалга ошириш, дори воситалари, тиббий буюмлар ва тиббий техникани, шунингдек, Ўзбекистон Республикаси ҳудудида қўллашга рухсат берилган асбоб-ускуналарни давлат рўйхатидан ўтказиш, сифат назорати, стандартлаштириш ва сертификатлаштиришни амалга ошириш соҳасида:

дори воситалари, тиббий буюмлар ва тиббий техникани давлат рўйхатидан ўтказиш;

дори-дармон муомаласини давлат томонидан тартибга солиш чоратадбирлари амалга оширилишини таъминлайди, дори ва дезинфекция, санитария-гигиена ва пардоз-андоз воситалари ва тиббий буюмлар, кучли таъсир кўрсатувчи ва заҳарли моддалар, гиёҳвандлик, психотроп воситаларни стандартлаштиради ва сертификатлаштиради ҳамда улардан фойдаланиш тартиби устидан назорат қилади;

дори, дезинфекция воситалари ва тиббий буюмлар ҳамда жиҳозларга бўлган эҳтиёжларни ўрганади, уларга талаб ва таклифларни ишлаб чиқади, уларни қабул қилиш, сақлаш ва қўллаш тартибини белгилайди;

ж) маҳаллий тажрибани ва энг яхши жаҳон ютуқларини уйғунлаштириш асосида тиббиёт фанини ривожлантириш стратегиясини ишлаб чиқиш ва прогнозлаштириш, илмий тиббий тадқиқотлар самарадорлигини ошириш, фан, техника ютуқларини ва илғор тажрибани соғлиқни сақлаш амалиётига жорий этиш, тиббий таълим ва кадрлар малакасини ошириш тизимини ривожлантириш соҳасида:

маҳаллий тажрибани ва энг яхши жаҳон ютуқларини бирга қўшиш асосида тиббиёт фанини ривожлантириш стратегиясини ишлаб чиқади ва прогнозлаштиради;

илмий-тиббий тадқиқотлар ривожланишини ва уларнинг самарадорлиги оширилишини, фан, техника ютуқлари ва илғор тажриба тиббиёт амалиётига жорий этилишини таъминлайди;

илмий тадқиқотлар натижаларини экспертизадан ўтказишда, соғлиқни сақлашнинг долзарб муаммолари бўйича илмий тадқиқотларга муассасалар, ташкилотлар, шу жумладан Ўзбекистон Республикаси Фанлар академияси олдида буюртмачи бўлади;

соғлиқни сақлаш соҳасида хорижий тажрибадан ва жаҳон стандартларидан фойдаланилади;

республикада халқаро тадбирлар (симпозиумлар, конференциялар, кўргазмалар ва шу кабилар) ўтказилишини ташкил этади;

белгиланган тартибда илмий, методик адабиётлар ва ихтисосга оид ахборотни чоп этади ва Вазирлик бўлинмаларини таъминлайди;

з) соғлиқни сақлаш тизимида ягона ташкилий-методик раҳбарлик қилишни ва кўрсатилаётган тиббий хизматлар сифати назорат қилинишини таъминлайдиган замонавий, хорижий амалиётда синаб кўрилган соғлиқни сақлаш тизимини бошқариш усуллари жорий этиш, шунингдек, тиббиётни рақамлаштириш орқали соҳадаги ортиқча қўғозбозликни кескин камайтириш ва коррупцияга оид ҳолатларнинг олдини олиш соҳасида:

Вазирлик, унинг марказий аппарати ва таркибий бўлинмаларига раҳбарлик қилиш шакллари ва иш усуллари такомиллаштиради, соғлиқни сақлаш органлари фаолиятида бюрократизм ва коррупция ҳолатларига йўл қўймаслик чораларини таъминлайди, инсоннинг ҳуқуқлари, эркинликлари ва манфаатларига риоя этилишини таъминлайди;

соғлиқни сақлаш органлари ходимларига юкланган вазифалар ўз вақтида ва сифатли бажарилиши учун уларнинг масъулиятини ошириш тадбирларини амалга оширади ва назорат қилади;

соғлиқни сақлаш тизимида ягона ташкилий-методик раҳбарликни ва кўрсатилаётган тиббий хизматлар сифати назорат қилинишини таъминлайдиган соғлиқни сақлаш тизимини бошқаришнинг жаҳон амалиётида синовдан ўтказилган замонавий усуллари жорий этади;

Вазирликка идоравий мансуб муассасалар, ташкилотлар ва корхоналарнинг тузилмасини такомиллаштириш тадбирларини ишлаб чиқади ва амалга оширади;

жойларда соғлиқни сақлаш маҳаллий бошқарув органларига методик раҳбарлик қилади ва фаолиятини назорат қилади;

идоравий мансуб ташкилотларнинг тузилмаси, низомлари ва уставларини тасдиқлайди;

соғлиқни сақлаш тизимини ривожлантиришнинг энг устувор йўналишларида молиявий ресурсларни жамлаш тадбирларини таъминлайди;

аҳоли соғлиғини муҳофаза қилишга йўналтирилган бюджет маблағларидан фойдаланиш самарадорлигини оширади, мақсадли дастурларни молиялаштириш ва соғлиқни сақлашнинг моддий-техника базасини мустаҳкамлаш учун бюджетдан ташқари маблағларни, хорижий инвестицияларни ва халқаро ташкилотларнинг маблағларини жалб этади;

Вазирлик тизимида иқтисодий ва молиявий ишларни ташкил этади, Ўзбекистон Республикаси Давлат бюджети маблағлари ҳисобига амалга ошириладиган тиббиёт ташкилотларни сақлаб туришга харажатларни молиялаштиришни таъминлайди, тизим ходимларининг меҳнатини нормалаштириш ва ҳақ тўлашни ташкил этишни такомиллаштириш тадбирларини ўтказди;

идоравий мансуб ташкилотларда фаолиятни таҳлил қилади ва бухгалтерия ҳисоби ва ҳисоботи юритилишига методик раҳбарлик қилади, бюджет ва бюджетдан ташқари маблағларидан мақсадли ва самарали фойдаланилиши устидан назорат қилади;

соғлиқни сақлаш бўйича мақсадли дастурларни молиялаштириш учун маблағларни жалб этиш ишида давлат, жамоат, хайрия ташкилотлари ва жамғармаларнинг, муассасалар ва корхоналарнинг ўзаро ҳамкорлигини таъминлайди;

соғлиқни сақлашни молиялаштириш тизимини такомиллаштиради, тиббиёт ташкилотларининг хизмат кўрсатишнинг пулли шакллари ва тиббий суғуртани жорий этишга босқичма-босқич ўтишини таъминлайди;

жисмоний ва юридик шахсларнинг Вазирлик фаолиятига тегишли масалалар бўйича мурожаатларини кўриб чиқади;

қонунчилик ҳужжатларида белгиланган тартибда жисмоний ва юридик шахсларга ахборот ва маслаҳат кўмаги беради;

қонунчилик ҳужжатларига мувофиқ бошқа функцияларни амалга оширади.

### **3-боб. Вазирликнинг ҳуқуқлари ва жавобгарлиги**

13. Вазирлик юкланган вазифалар ва функцияларни бажариш учун қуйидаги ҳуқуқларга эга:

норматив-ҳуқуқий ҳужжатлар лойиҳаларини, шунингдек, давлат бошқаруви органига юкланган вазифалар ва функциялар бажарилиши билан боғлиқ бошқа ҳужжатларни белгиланган тартибда Ўзбекистон Республикаси Вазирлар Маҳкамасига ёки Ўзбекистон Республикаси Президенти Администрациясига киритиш;

Вазирлик ваколатига кирадиган масалаларда давлат ва хўжалик бошқаруви органлари, маҳаллий давлат ҳокимияти органлари фаолиятини белгиланган тартибда мувофиқлаштириш;

Вазирлик ваколатига кирадиган масалаларни ҳал этиш учун зарур бўлган ахборотни давлат ва хўжалик бошқаруви органларидан, маҳаллий давлат ҳокимияти органларидан белгиланган тартибда сўраш ва олиш;

хайъат мажлисларида, ташкилий-ҳуқуқий шаклларидан ва идоравий бўйсунушидан қатъи назар, соғлиқни сақлаш тизими ташкилотлари раҳбарларининг Вазирлик ваколатига тааллуқли масалалар бўйича ахборотларини эшитиш;

Ўзбекистон Республикаси ҳудудида ва қўшни давлатларда санитария-эпидемиологик вазият билан боғлиқ масалаларни Ўзбекистон Республикаси

Вазирлар Маҳкамаси ҳузуридаги Республика фавқулодда эпидемияга қарши курашиш Комиссиясининг кўриб чиқиши учун киритиш;

Вазирликнинг ҳудудий бўлинмаларидан ва унга идоравий мансуб ташкилотлардан масалаларни таҳлил қилиш ва ишлаб чиқиш учун зарур бўлган материаллар ва маълумотларни, шунингдек, норматив-ҳуқуқий ҳужжатлар лойиҳаларини ва Вазирликнинг марказий аппаратида кўриб чиқиладиган бошқа ҳужжатларни сўраш ва олиш;

Вазирликда кўриб чиқиладиган масалаларни пухта ишлаб чиқиш, ахборот ва таҳлилий материаллар, шунингдек, норматив-ҳуқуқий ҳужжатлар ва бошқа ҳужжатлар лойиҳаларини тайёрлаш учун зарурат бўлганда Вазирликнинг ҳудудий бўлинмалари ва унинг идоравий мансуб ташкилотларнинг раҳбарлари ва вакиллари белгиланган тартибда жалб этиш, ушбу мақсадлар учун эксперт ва ишчи гуруҳлар ташкил этиш;

Вазирликнинг ҳудудий бўлинмаларидан ва унга идоравий мансуб ташкилотлардан улар томонидан киритилган норматив-ҳуқуқий ҳужжатлар ва бошқа ҳужжатлар лойиҳалари пухта ишланишини талаб қилиш, зарурат бўлганда уларни пухта ишлаш учун қайтариш;

Вазирликнинг ҳудудий бўлинмалари ва унга идоравий мансуб ташкилотларнинг раҳбарлари ва вакиллари иштирокида йиғилишлар ўтказиш;

тезликда ҳал этишни талаб этадиган ва Вазирликка юкланган вазифалар ва функциялар бажарилиши билан боғлиқ масалалар бўйича Вазирликнинг ҳудудий бўлинмалари ва унга идоравий мансуб ташкилотларнинг раҳбарларига белгиланган тартибда топшириқлар бериш;

Вазирликнинг таркибий бўлинмалари ва унга идоравий мансуб ташкилотлар томонидан қабул қилинган қонунчилик ҳужжатлари ва бошқа норматив-ҳуқуқий ҳужжатлар, Ўзбекистон Республикаси Президенти ва Ўзбекистон Республикаси Вазирлар Маҳкамасининг топшириқлари, шунингдек, Вазирлик ва унинг раҳбариятининг ҳужжатлари ва топшириқларини бажариш бўйича Вазирликнинг таркибий бўлинмалари ва унга идоравий мансуб ташкилотларнинг фаолиятини белгиланган тартибда ўрганиш ва текшириш;

Вазирлик ваколатига кирадиган масалалар бўйича зарур статистика ахборотини давлат статистика органларидан бепул асосда олиш;

Вазирлик ва унга идоравий мансуб тузилмаларнинг давлатга тегишли мол-мулкни ўзининг ташкилий тузилмаси доирасида бепул фойдаланиш ҳуқуқи билан бир бўлинмадан бошқа бўлинмага белгиланган тартибда бериш;

Вазирлик ва унга идоравий мансуб ташкилотлар ходимлари томонидан ўз соҳасида улар фаолиятининг асосий кўрсаткичлари бўйича параметрлар бажарилишини ҳисобга олган ҳолда уларни моддий рағбатлантириш тартиби, миқдорлари ва шартларини белгилаш;

Вазирлик ваколатига кирадиган масалалар бўйича таклифларни кўриб чиқиш учун Ўзбекистон Республикаси Вазирлар Маҳкамасига, давлат ва ҳўжалик бошқаруви органларига, маҳаллий давлат ҳокимияти органларига киритиш;

Вазирлик ваколатига кирадиган масалалар бўйича идоралараро тусдаги халқаро шартномаларни белгиланган тартибда тузиш;

Вазирлик ваколатига тегишли бўлган масалалар бўйича халқаро даражада Ўзбекистон Республикаси манфаатларини белгиланган тартибда ифодалаш;

ноширлик фаолиятини амалга ошириш;

ўзининг юритишига тегишли муаммоларни ҳал этишга илмий муассасалар, олимлар ва мутахассисларни, шу жумладан хорижий олимлар ва мутахассисларни шартнома асосида жалб этиш;

қонунчилик ҳужжатларида белгиланган тартибда ташқи иқтисодий фаолиятни амалга ошириш ҳамда банк муассасаларида ва бошқа кредит муассасаларида валюта ҳисоб рақамларига эга бўлиш;

идоравий мансуб ташкилотларнинг амалдаги қонунчилик ҳужжатлари бузилган ҳолда чиқарилган буйруқларини бекор қилиш;

Вазирлик ва Вазирлик тизимида кирадиган ташкилотларнинг моддий-техника базасини яхшилаш чораларини кўриш;

амалдаги қонунчилик ҳужжатларига мувофиқ Вазирликнинг ижтимоий инфратузилмасини ташкил этиш ва такомиллаштириш.

14. Вазирлик ва унинг мансабдор шахслари уларга юкланган вазифалар ва функцияларни самарали амалга ошириш учун жавоб берадилар.

#### **4-боб. Вазирлик фаолиятини ташкил этиш**

15. Вазирликка Ўзбекистон Республикаси Олий Мажлиси Қонунчилик палатаси маъқуллаганидан кейин киритилган Ўзбекистон Республикасининг Бош вазири тақдимномасига биноан Ўзбекистон Республикаси Президенти томонидан тасдиқланадиган ва лавозимидан озод этиладиган вазир бошчилик қилади.

16. Вазир Ўзбекистон Республикаси Президенти томонидан лавозимга тайинланадиган ва лавозимдан озод этиладиган биринчи ўринбосарга ва ўринбосарларга эга бўлади.

17. Вазир:

Вазирлик тизими ва идоравий мансуб ташкилотлар фаолиятига раҳбарлик қилади ва Вазирликка юкланган вазифалар ва функциялар бажарилиши учун шахсан жавоб беради;

бир йилда икки марта Ўзбекистон Республикаси Олий Мажлиси Қонунчилик палатасига ўз фаолияти тўғрисида ахборот беради;

Вазирликни давлат органларида ва бошқа ташкилотларда ифодалайди ёхуд Вазирлик номидан ишончномалар ва (ёки) ваколатлар беради;

Вазирлик марказий аппарати штат жадвалини белгиланган ходимлар сони доирасида, шунингдек, Вазирлик марказий аппарати харажатлар сметасини тасдиқлайди;

Вазирликка ажратилган молиявий ва моддий воситаларни белгиланган тартибда тасарруф этади;

Вазирлик марказий аппарати ходимларини, ташкилотларнинг раҳбарларини қонунчилик ҳужжатларида белгиланган тартибда лавозимга тайинлайди ва лавозимдан озод этади;

Вазирлик ваколатига кирадиган масалалар бўйича қарорлар қабул қилади, вазирнинг ўринбосарлари, ҳудудий бошқарув органлари ва Вазирлик тизимига кирадиган ташкилотларнинг бошқа мансабдор шахсларининг ваколатлари, мажбуриятлари ва жавобгарлиги даражасини белгилайди;

зарурат бўлганда Вазирлик аппарати ва тизимига кирадиган ҳудудий бошқарув органлари ва ташкилотларнинг низоми, тузилмасини белгиланган тартибда тасдиқлайди ҳамда ходимларнинг белгиланган умумий сони ва ажратилган бюджет маблағлари доирасида мустақил ўзгартиришлар киритади;

Вазирлик, ҳудудий бошқарув органлари ва Вазирлик тизимига кирадиган ташкилотлар ходимлари бажариши мажбурий бўлган буйруқлар чиқаради ва кўрсатмалар беради;

Вазирлик тизими ходимларини рағбатлантириш ва уларнинг интизомий жавобгарлиги тўғрисидаги масалаларни ҳал этади, Вазирлик тизимининг алоҳида ўрнатилган кўрсатган ходимларини фахрий унвонлар беришга ва Ўзбекистон Республикасининг давлат мукофотлари, шунингдек, бошқа фахрий ёрликлар билан тақдирлашга ва рағбатлантиришнинг бошқа турларига тақдим этади;

вазир қонунчилик ҳужжатларига мувофиқ бошқа ваколатларни ҳам амалга оширади.

#### 18. Вазирнинг ўринбосарлари:

Вазирликнинг мутасаддилик қилинадиган бўлинмаларига бевосита раҳбарлик қиладилар ва уларга бириктирилган масалалар бўйича Вазирликка юкланган вазифалар ва функциялар бажарилиши учун шахсан жавоб берадилар;

уларга вазир томонидан юкланган бошқа функцияларни амалга оширадилар.

19. Вазирликда вазир (ҳайъат раиси), вазирнинг биринчи ўринбосари, вазирнинг ўринбосарлари ва Вазирликнинг бошқа вакиллари билан иборат таркибда ҳайъат ташкил этилади.

Ҳайъатнинг аъзолари сони ва шахсий таркиби вазирнинг тақдимномасига биноан Ўзбекистон Республикаси Вазирлар Маҳкамаси томонидан тасдиқланади.

Ҳайъат куйидагилар билан боғлиқ масалаларни кўриб чиқади:

Вазирлик фаолиятининг аҳоли саломатлигини сақлаш ва яхшилашни, соғлом авлодни тарбиялаш учун шарт-шароитларни шакллантиришни, профилактик соғлиқни сақлашни ривожлантиришни, соғлом турмуш тарзини кенг оммалаштиришни таъминловчи давлат сиёсатини амалга оширишни давом эттириш, фуқароларнинг аҳолига тиббий-санитария хизмати кўрсатишнинг давлат томонидан кафолатланган даражасида ва сифатида малакали тиббий хизмат олишга бўлган конституциявий ҳуқуқларига риоя этилишини, аҳолининг кўрсатилган тиббий хизматларнинг барча турларидан тенг баҳраманд бўлишини таъминлаш бўйича ушбу Низомда белгиланган асосий йўналишларни тайёрлаш ва амалга ошириш;

Вазирлик номенклатурасига кирадиган лавозимларга кадрларни танлаш, уларни давлат фуқаролик хизматчилари вакант лавозимларининг ягона очик

портали орқали ишга қабул қилиш, малакасини ошириш, тайёрлаш ва қайта тайёрлаш;

Ўзбекистон Республикаси Президентининг фармонлари, қарорлари ва фармойишларида, Ўзбекистон Республикаси Вазирлар Маҳкамасининг қарорлари ва фармойишларида белгиланган вазифаларни амалга ошириш бўйича ижро интизомини мустаҳкамлаш, уларнинг ўз вақтида ва сифатли амалга оширилишини таъминлаш учун Вазирлик раҳбарлари ва ходимларининг шахсий жавобгарлигини ошириш;

Вазирлик таркибий бўлинмалари ва соғлиқни сақлаш ҳудудий органлари, Вазирлик тизимига кирадиган идоравий мансуб ташкилотлар раҳбарларининг ҳисоботларини эшитиш, қабул қилинган қарорлар ижросини текшириш масалаларини, Вазирликнинг муҳим буйруқлари ва бошқа ҳужжатлари лойиҳаларини ҳамда текширишлар яқунларини муҳокама қилиш;

Ҳайъат Вазирлик ваколатига тааллуқли бошқа масалаларни ҳам кўриб чиқиш ҳуқуқига эга.

Ҳайъат мажлисига Вазирлик ваколатига кирадиган масалалар бўйича бошқа вазирликлар, давлат қўмиталари, агентликлар, марказлар, инспекциялар ва тиббиёт муассасалари раҳбарлари таклиф этилиши мумкин.

Ҳайъат унинг мажлисида таркибининг ярмидан кўпи қатнашган тақдирда ваколатли бўлади. Кўриб чиқиладиган масалалар бўйича қарорлар оддий кўпчилик овоз билан қабул қилинади.

Ҳайъат қарорлари вазирнинг буйруқлари билан амалга оширилади. Вазир ва Ҳайъат аъзолари ўртасида келишмовчиликлар пайдо бўлган тақдирда вазир пайдо бўлган келишмовчиликлар тўғрисида Ўзбекистон Республикаси Вазирлар Маҳкамасига ахборот берган ҳолда мустақил равишда қарор қабул қилади. Ҳайъат аъзолари ҳам ўз фикр-мулоҳазаларини Ўзбекистон Республикаси Вазирлар Маҳкамасига хабар қилишлари мумкин.

Ҳайъат фаолияти тартиби унинг Ҳайъат тасдиқлайдиган регламентида белгиланади.

20. Соғлиқни сақлашнинг ҳудудий органлари ўз фаолиятини Ўзбекистон Республикаси Соғлиқни сақлаш вазирлиги томонидан тасдиқланадиган низомларга мувофиқ амалга оширади.

21. Соғлиқни сақлаш муаммоларини илмий таҳлил қилиш учун Вазирликда маслаҳат-эксперт кенгаши ташкил этилади. Кенгаш таркибига етакчи олимлар ва юқори малакали мутахассислар киради. Маслаҳат-эксперт кенгаши таркиби ва унинг тўғрисидаги низом вазир томонидан тасдиқланади.

22. Марказий аппарат:

раҳбар ходимлар лавозимларининг аниқ номланиши қонунчилик ҳужжатларига мувофиқ белгиланади;

Департамент - белгиланган масъул ходимлар штат бирликлари сони 20 ва ундан ортиқ бўлган ҳолларда вазирликда департамент ташкил этилиши мумкин. Бунда, департамент бошлиғининг 2 нафаргача ўринбосари (шу жумладан, 1 нафар биринчи ўринбосар) лавозими киритилиши мумкин;

Бошқарма - белгиланган масъул ходимлар штат бирликлари сони 7 ва ундан ортиқ бўлган ҳолларда ташкил этилади. Бунда, бошқарма бошлиғининг

1 нафар ўринбосари лавозими киритилиши мумкин. Департамент таркибидаги бошқармаларда бошқарма бошлиғи ўринбосари лавозими киритилмайди;

Бўлим - белгиланган масъул ходимлар штат бирликлари сони 2 ва ундан ортиқ бўлган ҳолларда ташкил этилади. Штат бирликлари сони 5 нафар ва ундан ортиқ бўлган бўлимларда 1 нафар бўлим бошлиғи ўринбосари лавозими киритилиши мумкин. Бошқарма таркибидаги бўлимларда бўлим бошлиғи ўринбосари лавозими киритилмайди;

Мутахассислар - белгиланган масъул ходимлар штат бирликлари сони 1 нафардан иборат бўлганда бош мутахассис лавозими киритилади ҳамда меҳнатга ҳақ тўлаш шартлари бўйича бўлим бошлиғига тенглаштирилади.

Бунда:

а) марказий аппаратнинг таркибий бўлинмалари ва уларнинг штат бирликларини шакллантиришда раҳбар ходимлар (раҳбар ва унинг ўринбосарлари, Вазир котибияти бошлиғи, департамент бошлиқлари ва ўринбосарлари, бошқарма бошлиқлари ва ўринбосарлари, бўлим бошлиқлари ва ўринбосарлари) ва ижрочилар (бош мутахассис, етакчи мутахассис, мутахассис) марказий аппарат бўйича камида 1/3 нисбатда бўлиши лозим;

б) марказий аппаратда стратегик режалаштириш ва методология, жамоатчилик билан алоқалар, инсон ресурсларини ривожлантириш ва бошқариш, ахборот таҳлил ва ижро интизоми, муружатлар билан ишлаш, ахборот-коммуникация технологияларини жорий этиш ва тиббий статистика, юридик таъминлаш, коррупцияни олдини олиш ва қарши курашиш, иқтисодиёт, таҳлил ва нархларни шакллантириш, халқаро ҳамкорлик, биринчи бўлим таркибий бўлинмалари (лавозимлари) ташкил этилиши мажбурий ҳисобланади;

Бунда, стратегик режалаштириш ва методология, жамоатчилик билан алоқалар, коррупцияни олдини олиш ва қарши курашиш, халқаро ҳамкорликлар таркибий бўлинмалари (лавозимлари) фақатгина вазирлик ва бошқа мустақил идораларда ташкил қилиниб, ушбу йўналишларда улар ягона сиёсатни амалга оширади. Вазирлик ҳузуридаги агентликлар ва инспекцияларда Ўзбекистон Республикаси Президенти Администрацияси билан келишилган ҳолда алоҳида бўлинмалар (лавозимлар) ташкил қилиниши мумкин;

в) вазирнинг фаолиятини стратегик вазифаларни ҳал этишга йўналтириш ҳамда кунлик (жорий ишлар) иш юкламасини мақбуллаштириш мақсадида улар фаолиятини ҳуқуқий, ташкилий-техник, ахборот-таҳлил, назорат ва протокол жиҳатдан таъминлайдиган Вазир котибияти ташкил қилиниши мумкин;

Вазир котибияти бошлиғи ҳамда раҳбар маслаҳатчиси меҳнатга ҳақ тўлаш шартлари бўйича департамент бошлиғига тенглаштирилади;

г) вазирлик ҳузуридаги қўмита ва ташкилотлар марказий аппарати ва уларнинг ҳудудий бўлинмалари ходимлари учун меҳнатга ҳақ тўлаш разрядлари вазирлик марказий аппарати ходимлари учун белгиланган меҳнатга ҳақ тўлаш разрядларидан бир поғона паст миқдорда қўлланилади;

д) бошқарма бошлиқлари учун меҳнатга ҳақ тўлаш разрядлари бўлим бошлиқлари учун белгиланган меҳнатга ҳақ тўлаш разрядларидан, департамент

бошлиқлари учун эса бошқарма бошлиқлари учун белгиланган меҳнатга ҳақ тўлаш разрядларидан бир поғона юқори миқдорда қўлланилади.

### **5-боб. Моддий рағбатлантириш чоралари**

23. Вазирлик ходимларини моддий рағбатлантириш амалдаги қонунчилик ҳужжатларига мувофиқ амалга оширилади.

24. Вазирлик ходимларининг иш ҳақи лавозим маоши, мукофотлар, кўшимча ҳақлар, устамалар ва қонунчилик ҳужжатлари назарда тутилган бошқа тўловлардан иборат бўлади.

25. Вазирлик ходимларининг лавозим маошларига ҳар ойлик устамалар ва рағбатлантирувчи тусдаги кўшимча ҳақлар вазир томонидан тасдиқланадиган Вазирлик марказий аппарати ходимлари меҳнатига ҳақ тўлаш, моддий рағбатлантириш ва ижтимоий қўллаб-қувватлаш тизими тўғрисидаги низомга мувофиқ тўланади.

26. Меҳнатга ҳақ тўлаш фонди бюджет муассасалари ва ташкилотлари ходимларини моддий рағбатлантиришнинг махсус жамғармаси маблағлари ва қонунчилик ҳужжатларида тақиқланмаган бошқа маблағлар Вазирлик ходимларига иш ҳақи тўлаш ва уларни моддий рағбатлантириш манбалари ҳисобланади.

27. Вазирлик ходимларини моддий рағбатлантиришнинг махсус жамғармаси тўғрисидаги низом вазир томонидан тасдиқланади.

### **6-боб. Яқуний қоидалар**

28. Вазирликни қайта ташкил этиш ва тугатиш қонунчилик ҳужжатларида белгиланган тартибда амалга оширилади.